

**BOSNA I HERCEGOVINA
FEDERACIJA BOSNE I HERCEGOVINE
FEDERALNO PRAVOBRANILAŠTVO
FEDERALNO PRAVOBRANITELJSTVO
SARAJEVO**

Broj: Fp-310/23
Sarajevo, 13.07.2023. godine

Bosna i hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:		13-07-2023	
Org. jed.	Broj	Priloga	Vrijednost
05/1	-02-	156	123

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
ZASTUPNIČKI DOM**

PREDMET: Odgovor na zastupničko pitanje, dostavlja se,-

VEZA: Vaš akt broj: 05/1-02-156/23 od 22.06.2023. godine.

Aktom, broj i datum iz veze, dostavili ste nam zastupničko pitanje zastupnika Slavena Raguž, kojim se od Federalnog pravobranilaštva traži odgovor da li se radi o kršenju zakona kada politički lideri javno priznaju utjecaj na imenovanje upravnih odbora i čelnih ljudi javnih preduzeća u većinskom vlasništvu Federacije, te ukoliko se radi o kršenju zakona, koje korake Federalno pravobraniteljstvo planira uraditi po službenoj dužnosti u cilju zaštite imovine i interesa Federacije.

Javno preduzeće, u smislu Zakona o javnim preduzećima Federacije Bosne i Hercegovine, jeste pravno lice koje je upisano u sudski registar kao privredno društvo i koje obavlja djelatnost od javnog društvenog interesa.

Javna preduzeća mogu se organizirati u obliku dioničkog društva ili društva sa ograničenom odgovornošću. Javna preduzeća imaju svoje organe upravljanja.

Uprava javnog preduzeća imenuje se i razrješava u skladu sa postupkom utvrđenim u statutu javnog preduzeća na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba javnog preduzeća. U upravu, prema zakonu, ne mogu biti imenovana lica koja vrše funkciju u političkim strankama.

Federalno pravobranilaštvo je državni organ koje poduzima mjere i pravna sredstva radi pravne zaštite imovine i imovinskih interesa Federacije Bosne i Hercegovine. Svoju funkciju vrši u skladu sa Ustavom Federacije BiH, federalnog zakona i drugih federalnih propisa i općih akata.

Državni organi, preduzeća (društva) i druga pravna lica dužni su Federalnom pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Federacije, radi poduzimanja pravnih radnji i sredstava za koje je Federalno pravobranilaštvo ovlašteno.

Federalno pravobranilaštvo vrši poslove pravne zaštite imovine i imovinskih interesa javnih preduzeća i drugih pravnih lica koje osniva Federacija, samo u slučajevima ako je to aktom o osnivanju predviđeno.

Obzirom na navedeno Federalno pravobranilaštvo nije ovlašteno da utiče na rad i da vrši kontrolu imenovanja uprave i čelnih ljudi u javnim preduzećima.

Dostavljeno:

- Naslovu,
- a/a.



FEDERALNI PRAVOBRANITELJ

Jakov Dujčić